

**ხელშეკრულება №01-206/2019**  
**სახელმწიფო შესყიდვის შესახებ**  
**(გამარტივებული შესყიდვა)**

ქ.თბილისი

ოქტომბერი, 2019 წელი

**შემსყიდველი:** სსიპ - ცხოველთა მონიტორინგის სააგენტო (შემდგომში წოდებული „შემსყიდველად“), წარმოდგენილი დირექტორის მოადგილის ლევან მამალაძის სახით

**მისამართი:** ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;

**საიდენტიფიკაციო კოდი:** 205316399;

**საბანკო რეკვიზიტები:** სახელმწიფო ხაზინა, ხაზინის ერთიანი ანგარიში ბ/კოდი: TRESGE22;

**მიმწოდებელი:** შპს „კ-მოტორსი“ (შემდგომში წოდებული „მიმწოდებლად“), წარმოდგენილი დირექტორის კახა კუმელაშვილის სახით

**მისამართი:** ქ. თბილისი, ქინძმარაულის ქუჩა N7;

**საბანკო რეკვიზიტები:** სს „საქართველოს ბანკი“, ბანკის კოდი BAGAGE22 ა.ა. GE13BG000000317131600;

**საიდენტიფიკაციო ნომერი:** 406058126;

ერთი მხრივ **შემსყიდველი**, ხოლო მეორე მხრივ **მიმწოდებელი**, ხელმძღვანელობენ რა საქართველოში მოქმედი კანონმდებლობით, ადასტურებენ, რომ „სახელმწიფო შესყიდვების შესახებ“ საქართველოს კანონის, მე-3 მუხლის პირველი პუნქტის „ს1“ ქვეპუნქტისა და და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს მე-2 მუხლის „ა“ პუნქტის თანახმად, გამარტივებული შესყიდვის წესით დებენ წინამდებარე ხელშეკრულებას შემდეგზე;

**1. ხელშეკრულებაში გამოყენებული ტერმინთა გარმანტეხები:**

- 1.1. „ხელშეკრულება სახელმწიფო შესყიდვების შესახებ“ (შემდგომში ”ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ”ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. ”დღე“, ”კვირა“, ”თვე“ - კალენდარული დღე, კვირა, თვე;
- 1.4. ”შემსყიდველი“ - ორგანიზაცია, რომელიც ახორციელებს შესყიდვას;
- 1.5. ”მიმწოდებელი“ - პირი, რომელიც ახორციელებს მომსახურების გაწევას ხელშეკრულების ფარგლებში;
- 1.6. „შესყიდვის ობიექტი“ - წინამდებარე ხელშეკრულების მუხლი 2-ით გათვალისწინებული ხელშეკრულების საგანი;

**2. ხელშეკრულების საგანი**

2.1. წინამდებარე ხელშეკრულების საგანს წარმოადგენს, მიმწოდებლის მიერ, შემსყიდველის საკუთრებაში არსებული ავტომანქანისთვის (Ford Transit, სახელმწიფო ნომრით HH -336-JJ, WFOXXXITTFXBE24875) ტექნიკური მომსახურების (შემდგომში „მომსახურება“) გაწევა, საკუთარი მასალით (შემდგომში „საქონელი“), წინამდებარე ხელშეკრულებით გათვალისწინებული პირობების შესაბამისად (CPV 50112000 – მანქანების შეკეთება და ტექნიკური მომსახურება);

2.2. საქონლის/მომსახურების მახასიათებლები:

№	საქონელი / მომსახურება	ზომისერთეული	რაოდ.	ღირებულება დღგ და აქციზის ჩათვლით
1	უკანა სუპორტი	ცალი	1	240.00
2	სამუხრუჭე სითხე	ცალი	2	14.00
3	სამუხრუჭე ხუნდი	ცალი	1	34.10
4	უკანა სამუხრუჭე ხუნდის შეცვლა	სხვა	1	15.00
5	უკანა სუპორტის შეცვლა	სხვა	1	20.00
<b>ჯამი</b>				<b>323.10</b>

2.3. შემსყიდველის მიერ მოთხოვნილი ავტომანქანის მომსახურების პირობები განისაზღვრება მხარეთა შეთანხმებით ყოველი კონკრეტული შემთხვევისათვის ინდივიდუალურად; მიმწოდებლის მიერ შეკვეთა-განაცხადის გახსნით, რის საფუძველზეც მიმწოდებლის მიერ მხარეთა ერთობლივი ან ცალმხრივად დათვალეობის საფუძველზე, მიმწოდებლის მხრიდან გამოწერილი იქნება შესაბამისი ინვოისი-მიღება-ჩაბარების აქტი, სადაც დაზუსტებული სახით არის წარმოდგენილი შესაბამისი მომსახურება.

2.4. წინამდებარე ხელშეკრულების საფუძველზე შემსყიდველი უკვეთავს მიმწოდებელს კონკრეტული ავტომანქანის სარემონტო სამუშაოებს, ხოლო შემსრულებელი იღებს ვალდებულებას, მიაწოდოს მას წინამდებარე ხელშეკრულების 2.2 პუნქტში აღნიშნული საქონელი და მომსახურება.

2.5. დაფინანსების წყარო: **საკუთარი შემოსავლები**. შესყიდვა ხორციელდება მოხსენებითი ბარათების N73-01192763281 და N73-01192763322 მოთხოვნის შესაბამისად.

### **3. შემსყიდველის უფლებები და მოვალეობები**

3.1. შემსყიდველმა უზრუნველყოს შეკვეთის მიწოდება და მისი წარმომადგენლის განსაზღვრა წერილობითი (მათ შორის ელ.ფოსტის მეშვეობით) ფორმით, ვინც იქნება უფლებამოსილი, შემსრულებლის მიერ გაწეული მომსახურების ჩაბარებაზე;

3.1.1. შემსყიდველის მხრიდან, შესრულებული სამუშაოს ჩაბარებაზე უფლებამოსილ პირს წარმოადგენს სსიპ - ცხოველთა მონიტორინგის სააგენტოს ადმინისტრაციული დეპარტამენტის მთავარი სპეციალისტი, ლოჯისტიკის მენეჯერი მალხაზ ონოფრიშვილი, ინსპექტირებას კი განახორციელებს სააგენტოს ცხოველთა კონტროლისა და რეგულირების დეპარტამენტის ოპერატიული რეაგირებისა და მონიტორინგის განყოფილების უფროსის მოადგილე, ზურაბ ლატარია;

3.2. შვიდი დღის ვადაში გადაიხადოს მიმწოდებლის მიერ გაწეული მოსახურების ღირებულება, 2.3. მუხლში მოხსენიებული დოკუმენტების საფუძველზე, ამასთან მომსახურების დასრულებისას - ავტომანქანის მიმწოდებლის ტერიტორიიდან გაყვანამდე უზრუნველყოს შედარების აქტის გაფორმება; მხოლოდ ამ პროცედურის გავლის შემდეგაა იგი უფლებამოსილი დატოვოს სერვისის ტერიტორია.

3.3. შემსყიდველი უფლებამოსილია მოითხოვოს გაწეული მომსახურების ჩაბარება ორივე მხარის ინსპექტირების ჯგუფის წარმომადგენლების მონაწილეობით; უხარისხოდ გაწეული მომსახურების შემთხვევაში, მოითხოვოს ხარვეზის გამოსწორება ინსპექტირების შედეგების გათვალისწინებით. საქონლისა და მომსახურების გადაცემა შესაძლებელია მოხდეს მიღება-ჩაბარების აქტის გაფორმებით; საქონლის და/ან მომსახურების, შემსყიდველის მიერ მიღებიდან 7 (შვიდი) დღის შემდეგ, პრეტენზიები აღარ მიიღება; გარდა ამისა, პრეტენზიები არ მიიღება იმ შემთხვევაშიც თუკი ადგილი ექნება მექანიკურ ზემოქმედებას (დაზიანებას) მიმწოდებლის შეცვლილ აგრეგატზე ან დადგინდება, რომ წარმოდგენილ ავტომანქანას ნებისმიერი სახის (მათ შორის შეცვლილი დეტალის დემონტაჟის მიზნით) სერვისის ჩაუტარდა არა „მიმწოდებლის“ სერვის ცენტრში.

3.4. შემსყიდველს უფლება აქვს მოითხოვოს მიმწოდებლისგან ინფორმაცია, ხოლო შემსრულებელი ვალდებულია დაუყოვნებლივ მიაწოდოს შემსყიდველს ინფორმაცია, მომსახურების მიმდინარეობის შესახებ.

### **4. შემსრულებლის უფლება-მოვალეობანი:**

4.1. გაუწიოს შემსყიდველს მოსახურება ამ ხელშეკრულებით შეთანხმებულ ფარგლებში მაქსიმალურად ხარისხიანად და შემჭიდროვებულ ვადებში; ამასთან მომსახურების ადგილად განისაზღვროს ქ. თბილისი, შემსრულებლის ავტოსერვისის ტერიტორია;

4.2. მიაწოდოს ინფორმაცია შემსყიდველს, მომსახურების მიმდინარეობის შესახებ;

4.3. მიმწოდებელი იძლევა გარანტიას, რომ ამ ხელშეკრულებით განსაზღვრული მომსახურება განხორციელდება კვალიფიციურად და სამუშაოების შესრულება განხორციელდება მაღალკვალიფიციური ოსტატების მიერ დადგენილი სტანდარტების მიხედვით.

4.4. მიმწოდებელს არა აქვს უფლება შემსყიდველის თანხმობის გარეშე სხვას გადააკისროს მის მიერ შესასრულებელი მომსახურება, გარდა ტექნიკური ხასიათის სამუშაოს შესრულებისა.

### **5. სახელშეკრულებო ვადა:**

5.1. ავტომანქანის მომსახურების გაწევის ვადაა ხელშეკრულების გაფორმებიდან **5 (ხუთი) სამუშაო დღე**;

5.2. ხელშეკრულება ძალაში შედის მხარეთა ხელმოწერის დღიდან და ძალაშია 2019 წლის 30 ნოემბრამდე.

5.3. ამ ხელშეკრულების მონაწილე მხარეები უფლებამოსილნი არიან ვადაზე ადრე ცალმხრივად შეწყვიტონ ეს ხელშეკრულება მხოლოდ იმ შემთხვევაში თუკი აღნიშნულის შესახებ 30 (ოცდაათი) დღით ადრე წერილობით აცნობებენ კონტრაგენტს;

## **6 მომსახურების საფასური**

6.1. წინამდებარე ხელშეკრულების სრული ღირებულება შეადგენს **323.10 (სამასოცდასამი ლარი და 10 თეთრი) ლარს.**

6.2. საქონლის/მომსახურების ერთეულის ღირებულება მოცემულია ხელშეკრულების 2.2. პუნქტში;

6.3. მომსახურების საფასურის გადახდა წარმოებს უნაღდო ანგარიშსწორების წესით შემსრულებლის საბანკო ანგარიშზე;

## **7 მხარეთა პასუხისმგებლობა და დავის გადაწყვეტა**

7.1. თითოეული მხარე პასუხს აგებს ამ ხელშეკრულებით ნაკისრი ვალდებულების მთლიანად ან ნაწილობრივ შეუსრულებლობისათვის.

7.1.1. ნაკისრი ვალდებულებების დაგვიანებით შესრულებისათვის, ბრალეული მხარე მეორე მხარეს უხდის პირგასამტეხლოს ინვოისში დაფიქსირებული თანხის 0,1%-ის ოდენობით ყოველ ვადაგადაცილებულ დღეზე;

7.2. თითოეული მხარე ამ ხელშეკრულებით გათვალისწინებული ვალდებულებების მთლიანად ან ნაწილობრივ შეუსრულებლობის გამო პასუხისმგებლობისაგან თავისუფლდება, თუ ვალდებულების შეუსრულებლობა გამოწვეულია მეორე მხარის ბრალის შედეგად.

7.3. წინამდებარე ხელშეკრულებით დადგენილი პასუხისმგებლობა არ დადგება თუკი ვალდებულებათა შეუსრულებლობა გამოწვეულია დაუძლეველი ძალით (ფორს-მაჟორი), რაც შეუძლებელს ხდის ამ ხელშეკრულების შესრულებას;

7.4. დაუძლეველი ძალად მიიჩნევა ისეთი ფაქტის ან გარემოების არსებობა, რის გამოც ხელშეკრულების მხარე ვერ ასრულებს ვალდებულებას, კერძოდ:

7.4.1. ხანძარი და აფეთქება, წყალდიდობა, სტიქიური უბედურება;

7.4.2. სამხედრო მოქმედება, აჯანყება, სამოქალაქო ომი.

7.5. თითოეული მხარე ვალდებულია მეორე მხარეს წერილობითი ფორმით დაუყოვნებლივ (არაუგვიანეს სამი დღისა) შეატყობინოს დაუძლეველი ძალის არსებობის შესახებ, რის გამოც იგი ვერ ახერხებს ნაკისრი ვალდებულების შესრულებას.

7.6. ფორს-მაჟორული გარემოებების დადგომისას, ხელშეკრულების შესრულება გადაიწვეს იმ ვადით რა ვადითაც ადგილი ექნება ფორს-მაჟორს, მაგრამ არაუმეტეს 2(ორი) თვის ვადისა. ასეთი ვადის გაგრძელების შემთხვევაში, მხარეები დამატებით გადაწყვეტენ ურთიერთობების ფორმებსა და პირობებს;

7.7. ამ ხელშეკრულებიდან გამომდინარე დავა მხარეებს შორის წყდება შეთანხმებით, ხოლო შეუთანხმებლობის შემთხვევაში, საქართველოს კანონმდებლობით დადგენილი წესით საქართველოს საერთო სასამართლოების მიერ.

## **8 ხელშეკრულების შეწყვეტა**

8.1. ხელშეკრულება მხარეთა შეთანხმებით შეიძლება ნებისმიერ დროს შეწყდეს.

8.2. შემსყიდველს უფლება აქვს შეწყვიტოს ხელშეკრულება, თუ:

8.2.1. მიმწოდებელი არ უწევს შეთანხმებულ მომსახურებას;

8.2.2. მიმწოდებელმა დაარღვია ნაკისრი ვალდებულება.

8.3. თუ შემსყიდველი არ გადაუხდის მიმწოდებელს შეთანხმებულ ანაზღაურებას ან/და გადააცილებს გადახდის ვადას, მაშინ შემსრულებელს უფლება აქვს ცალმხრივად შეწყვიტოს ხელშეკრულება საზღაურის გადახდის ვადის დადგომიდან 30 კალენდარული დღის შემდეგ. ხელშეკრულების ცალმხრივი შეწყვეტის შესახებ შემსრულებელმა წერილობით უნდა აცნობოს დამკვეთს შეწყვეტის საფუძვლის მითითებით.

8.4. ხელშეკრულება შეწყდება ხელშეკრულების ცალმხრივი შეწყვეტის შესახებ წერილობითი შეტყობინებით მუხლი 5.3.-ის მოთხოვნათა გათვალისწინებით.

8.5 ხელშეკრულების ცალმხრივად შეწყვეტის შემთხვევაში, ხელშეკრულების შეწყვეტამდე არსებული ვალდებულებები მხარეთა მიერ უნდა იქნას შესრულებული სრულად;

## 9 დამატებითი პირობები

9.1. წინამდებარე ხელშეკრულება შედგენილია ქართულ ენაზე, ხელშეკრულებას მხარეები ელექტრონული ხელმოწერებით/ელექტრონული შტამპით ადასტურებენ; სხვადასხვა თარიღში დამოწმება/დადასტურების შემთხვევაში, ხელშეკრულება გაფორმებულად ჩაითვლება იმ თარიღში, როდესაც მეორე მხარე დაამოწმებს/დაადასტურებს ელექტრონული ხელმოწერით/ შტამპით.

9.2. ხელშეკრულებაში ცვლილება-დამატებების შეტანა ხდება წერილობითი ორმხრივი შეთანხმების საფუძველზე, რაც ამ ხელშეკრულების განუყოფელ ნაწილს წარმოადგენს.

.10 მხარეთა ხელმოწერა და რეკვიზიტები:

შესყიდველი

სსიპ-ცხოველთა მონიტორინგის სააგენტო  
დირექტორის მოადგილე

---

ლევან მამალაძე

მიმწოდებელი

შპს „კ-მოტორსი“  
დირექტორი

---

კახა კუმელაშვილი

ჩვენ ქვემოთ ხელისმომწერნი, ინტერესთა კონფლიქტის თავიდან აცილების მიზნით, გავეცანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პირობები და წესები) და ხელისმოწერით ვადასტურებთ, რომ მიმწოდებლის მიმართ (შპს „კ-მოტორსი“, №01-206/2019) არ ვიმყოფებით ინტერესთა კონფლიქტში.

სსიპ - ცხოველთა მონიტორინგის  
სააგენტოს დირექტორის მოადგილე

/ ლევან მამალაძე /

ფასების კვლევის განმახორციელებელი პირი:  
სსიპ - ცხოველთა მონიტორინგის სააგენტოს  
ადმინისტრაციული დეპარტამენტის მთავარი  
სპეციალისტი, ლოჯისტიკის მენეჯერი

/ მალხაზ ონოფრიშვილი /

ინსპექტირების განმახორციელებელი პირი:  
სააგენტოს ცხოველთა კონტროლისა და რეგულირების  
დეპარტამენტის ოპერატიული რეაგირებისა და მონიტორინგის  
განყოფილების უფროსის მოადგილე

/ ზურაბ ლატარია /